

BOSNA I HERCEGOVINA
FEDERACIJA BOSNE I HERCEGOVINE
KANTON 10
OPĆINSKI SUD U LIVNU
Broj: 68 0 St 078217 23 St
Livno, 13.10.2023. godine

OPĆINSKI SUD U LIVNU, stečajni sudija Aleksandar Kontić, odlučujući o prijedlogu za otvaranje stečajnog postupka nad imovinom pravnog lica Drvna industrija Konstruktor-Grahovo d.o.o. Bosansko Grahovo, sa sjedištem u Bosanskom Grahovu, Radničko naselje bb, zastupan po zakonskom zastupniku Nives Šormaz iz Korčule, ul. Šet. Frane Kršnića broj 122, Republika Hrvatska, zastupan po Perici Babiću, Advokatu iz Livna, ul. Župana Želimira broj 3/2, odlučujući po prijedlogu stečajnog dužnika za otvaranje stečajnog postupka, izvan ročišta, dana 13.10.2023. godine, donio je dana

R J E Š E N J E

Prijedlog predlagatelja, stečajnog dužnika, od 09.03.2023. godine, kojim se predlaže otvaranje stečajnog postupka nad imovinom stečajnog dužnika Drvna industrija Konstruktor – Grahovo d.o.o. Bosansko Grahovo, ul. Radničko naselje bb, Bosansko Grahovo, smatra se povučenim.

Troškove ovog postupka snosi predlagatelj.

O b r a z l o ž e n j e

Dana 09.03.2023. godine, predlagatelj i stečajni dužnik Drvna industrija Konstruktor – Grahovo d.o.o. Bosansko Grahovo, ul. Radničko naselje bb, Bosansko Grahovo, zastupana po predsjednici uprave Nives Šormaz, putem punomoćnika Perice Babića, Advokata iz Livna, podnijela je prijedlog za otvaranjem stečajnog postupka, zbog nastale platežne nesposobnosti.

Dana 05.05.2023. godine, ovaj sud je rješenjem broj gornji, pokrenuo prethodni stečajni postupak nad pravnim licem Drvna industrija Konstruktor –Grahovo d.o.o. Bosansko Grahovo, ul. Radničko naselje bb, Bosansko Grahovo.

Nakon objave Oglasa o otvaranju prethodnog stečajnog postupka, dana 14.07.2023. godine, Porezna uprava Federacije BiH, Kantonalni porezni ured Livno je prijavio potraživanja prema stečajnom dužniku u visini od 125.996,82 KM.

Podneskom od 31.08.2023. godine, punomoćnik stečajnog dužnika je povukao prijedlog za otvaranje stečajnog postupka.

Podnesak stečajnog dužnika kojim se povlači prijedlog za otvaranje stečajnog postupka dostavljen je imenovanom stečajnom upravniku, kao i stečajnom povjeriocu koji je prijavio novčana potraživanja.

Isti se nisu protivili povlačenju prijedloga za otvaranje stečajnog postupka.

Članom 59. Zakona o stečaju (Službene novine F BiH broj 53/21) propisano je da prijedlog za pokretanje stečajnog postupka predlagač može povući do objavljivanja oglasa o otvaranju stečajnog postupka na oglasnoj tabli suda, web stranici suda -elektronskoj tabli suda, u "Službenim novinama Federacije BiH" i na internet stranici FIA-a, odnosno prije donošenja rješenja o odbacivanju ili odbijanju prijedloga za pokretanje stečajnog postupka, o čemu sud donosi rješenje. U tom slučaju troškove postupka snosi predlagač, osim ako je do povlačenja prijedloga došlo zato što je dužnik naknadno podmirio tražbinu povjerioca i u tom slučaju nastale troškove postupka snosi dužnik.

Kako je punomoćnik predlagatelja dopisom od 31.08.2023. godine, povukao prijedlog za otvaranje stečajnog postupka, te kako se privremeni stečajni upravnik i stečajni povjerilac nisu protivili povlačenju prijedloga, sud je odlučio kao što je navedeno u dispozitivu ovog rješenja, na osnovu člana 59. Zakona o stečaju.

Stečajni sudac

Aleksandar Kontić

Pouka o pravnom lijeku.

Protiv ovog rješenja dozvoljena je žalba u roku od 8 dana računajući od prvog narednog dana od dana objave istog u Službenim novinama F BiH. Žalbu mogu izjaviti stečajni dužnik i privremeni stečajni upravnik. Žalba se podnosi Kantonalnom sudu u Livnu, putem ovog suda, u dovoljnom broju primjeraka za sudionike u postupku.